

La Quotidiana 27-7-2015, p. 22

17.25 CUNTRASTS SIN SRF 1

Lollypop en Babilonia

Gea, igl è ina premiera mundiala: En il film «Lollypop en Babilonia» vegn discurrì romani, albanais, serb, anglais, tudestg e sa chapescha rumantsch! L'ultim settember ha il circus d'uffants Lollypop ch'è normalmain sin turnea en il Grischun, l'emprima giada installà sia tenda en il Cosovo. L'idea era da metter en pe in program da circus cun ils uffants da la citad Gračanica e dal conturn entaifer in'emna.



E quai cun uffants romas, albanais e serbs che vivan en il mintgadi plitost in sper l'auter che in cun l'auter. Martin Cantieni ha accumpagnà cun la camera Jon Dietler che fa ses servetsch civil tar il circus. Schonglond cun las differentas linguas organisescha lez ils quatter directurs che duain moderar la preschentaziun da circus en trais linguas.